



UNIVERSITÄTS-  
BIBLIOTHEK  
PADERBORN

**Gabrielis Navdæi Parisini Pentas Quæstionum  
Iatro-philologicarum**

**Naudé, Gabriel**

**Genevæ, M. DC. XLVII.**

Qvæst. Qvarta Iatropilo-Logica. An liceat Medico fallere ægrotum?

---

[urn:nbn:de:hbz:466:1-70696](https://nbn-resolving.org/urn:nbn:de:hbz:466:1-70696)

sterum, quæ tua est incredibilis in omnes  
comitas, & benevolentia, non defuturam  
spero.

Dabam Romæ IV. Kal. Martij  
Anno M. DC. XXXV.



QVÆST. QVARTA  
IATROPHI-  
LOGICA.

*An liceat Medico fallere ægrotum?*

**G**RAVITER certè & iniquo  
animo paterer, THADÆE  
COLICOLA, dulce decus  
& præsidium Medicinæ,  
quæstionem hanc, quam Iupercalibus  
istis, dum

*Scena sonat, ludique vocant, spectant* — Ouid: 4.  
Fast.

*que Quirites,*

*Et fora Marte suo litigiosa vacant;*

probè cōuenientem instituo; in Theologorum potius suggestibus, Curiarumve subsellijs, aut Philosophorum scholis (quod forsan fieri debere aliqui sibi persuadent) quàm in Medicorum triclinijs exagitandam, atq; hinc, & inde contestata lite dijudicandam proponi. Maximè cum hīs non agatur de fraude peculatus, repetundarum, stellionatus, aut ablatae rei alienae; sed de pretiosa illa, & in humanae salutis commodum prudenter excogitata, quam nullis temeratae consciētiae vinculis inuolutam esse testaretur Theologus ægrotans, & Iurisconsultus facilitate cassus vehemèter optaret in suum caput experiri. Enimverò si quod olim dixit Poëta non ineptus,

*Navita de ventis, de tauris narrat  
rator,*

*Enumerat miles vulnera, pastor oues*

Commēt.  
in Boet. de  
conf. phi-  
los.

hoc idem D. Thomas mutuatis ab A-  
lano Theologorum sui temporis do-  
ctissimo sequentibus versiculis æquita-  
ti valde consentaneum esse significat

*sua quilibet utitur arte,*

*Miles*

*Miles equis, Piscator aquis, & Physi-*  
*cus herbis,*

*Nauta fretis, Pugiles Marte, Poëta me-*  
*tris,*

*Rusticus arua parat, numerat mercator*  
*avarus,*

*Virgo legit flores, stultus amator amat.*

Ac utriusque demum sententiæ voli-  
tantem in Hemistichiorum flosculis a-  
nimã, diffusumq; per tessellatæ narra-  
tionis emblemata sensum, vulgari qui-  
dem, & minimè ad auriũ lenocinium  
composito, sed ad persuadendum ma-  
gis efficaci diuerbio complexus est D.

Hieronymus, quod Medicorum est, in In epist.

quit, promittant Medici, tractent fabrilia

fabri; amabo te, Consultissime Tha-

dæe, quis unquam inficias audebit ire,

dolum hunc non malum, aut intra me-

dicinæ fines, & pomeria esse admit-

tendum, aut non in alio quàm ejus fo-

ro, ad quod etiam, teste Galeno, de lib. quod

rebus ad morum disciplinam spectan- opt. Me-

tibus cognoscere spectat, censura, ap- dic. &c.

probatione ve donandum? certè vix

opinor quisquam tam grande istud ne-

De breuit.  
vite, cap. 8.

fas potius in animum inducet suum,  
quàm vel indicationes, vel analogif-  
mum experiètiàmve ab Æsculapij  
cõmunibus præfidijs remouere; quan-  
doquidem non minor est istius quàm  
reliquorum omnium necessitas cum  
*multa*, ut inquit Stoicorum jubar, *igno-*  
*rantibus agris curanda sint*, & quod idem  
in sua foria pro Cicerone minatur: Hoc  
*si tamen recta via consequi non potero, de-*  
*cipere vos cogar, veluti salutarerum pueris*  
*daturus potionem absinthiati poculi*, Me-  
dicis illis præsertim, qui à continua æ-  
grorum visitatione, Galeno quidem  
*ἄπειροντες*, Appiano *ἄπειροντες*, san-  
cto Gregorio Nisseno *ἀγυρῶντες*, Mo-  
destino *ἄπειροντες*, Latinis autem *circi-*  
*uitores*, *circitoresque* audiunt, solito  
quàm alijs frequètius veniāt usurpan-  
dum. Iam verò qua cautione, aut si  
verius, & ex arte loquendum, qua de-  
ceptione utendum sit, cum potiones  
illæ amaræ, absinthiõque pontico, aut  
aloe succotrina temperatæ delicatulis  
pusionibus offeruntur; quorum natu-  
ra dulcedini lactis, mellitisque crustu-  
lis af-

lis affuefacta, non ita se lubenter, ac facile seuerioribus Medicorum edictis accommodat; neminem profecto existimo latere, non eorū modo qui istud in se negotij repositum habent, sed nec aliorum etiam, quibus aliquando similitudinis istius in mentem venit, quæ tam elegāter, & nitidè rem ipsam ex Lucretij poëmate nobis ob oculos repræsentat,

*Ac veluti pueris absinthia tetra medētes,* lib. 1. de rer. nat.,

*Cū dare conātur, prius oras pocula circū,*

*Contingunt mellis dulci flauoq; liquore,*

*Vt puerorum atas improvida ludificetur*

*Labrorū tenuis, interea perpotet amarum*

*Absinthii Laticem, deceptaq; non capiatur,*

*Sed potius talitactu recreata valescat.*

Atque si locus hic à quorundam memoria peregrinatur, quam poëtice studium minus forsā afficit, aut sollicitat; en alter hic quā simillimus ex

Themistij oratione ad Nicomedien-  
ses velut in subsidium, *Μιμητέον ἡμῖν τοῖς σοφωτέροις τῶν ἰατρῶν, οἱ τὰ πιερότερα τῶν φαρμάκων μέλιτι πῶν κύλιμα περιχέουσιν, τίνειν διδάσκει;* quod idem est vade,

varia. lect.  
lib. 6. c. 10.

in Scor-  
piaco.

atque interprete doctissimo Mureto,  
ac si quis diceret, *imitandi nobis sunt sa-  
pientiores Medici, qui medicamenta ama-  
riora agris dant ebibenda oris poculi melle  
circumlitis.* At non improvida tantum  
puerorum ætas, aut potiùs pertinacia  
fictis ejusmodi dolis, & artibus expu-  
gnanda venit, cum sit hæc *peruersitas ho-  
minum*, quod optime notat Tertullia-  
nus, *salutaria excutere, exitiosa suscipe-  
re, periculosa quæq; medicamina vitare  
mori denique quàm curari desiderare:* at-  
que ut ibidem subjungit, *medicina præ-  
sidiam plures sunt qui refugiant, plures  
stulti, plures timidi, & male verecundi,*  
quidni etiam plures teneri, cinnam-  
tique Meccænates, plures timide mu-  
lierculæ, plures honestæ, pudicissimæ,  
que virgines, amentes plures, & fu-  
riosi,

*Quique suum cor edunt, hominum  
consortia vitant,*  
melancholici, ac inter hircosos etiam  
centuriones, infraetæq; virtutis, & pa-  
tientia homines multi, qui vix mente  
animoque constant,

*Laniens*

*Laniena quando sœvit Hippocratica,*  
qui quidem omnes nisi technis simili-  
bus arguè, sapientérque confictis de-  
cipiantur, vix est ut se juuamenti quid-  
quam ab alijs unquam præsijs perce-  
pturos sperare possint, aut debeant.  
Quamobrem nec injuria sane factum  
est, ut qui spectatam jam antea habue-  
re ejusmodi licentiæ, officiosiq; men-  
dacij in medicina facienda utilitatem  
optimi, sapientissimique medicinæ  
principes; horum quidem nonnulli,  
artem fraudis ipsius texédæ velut *σεα-  
τημιλω*, qua liceret *ἀμαχει τέχνη καὶ δό-  
λω* victoriam supra morbos consequi,  
reliquis medicinæ partibus, seu Man-  
tissam subnectere consentaneum du-  
xerunt; alij vero qui rationali medi-  
cinæ, mathematicam etiam plurimum  
inseruire contendunt, quam, & Ho-  
mericam quoque exemplo Galeni a-  
pud Trallianum vocant; fortè quod  
Homerus ex Brodæi conjectura sup-  
pressum verbis sanguinem, & myste-  
rijs sanatos affectus prodiderit; ejus  
quatuor partes constituunt, Amuleta

Prudent.  
Steph. hy  
mno 10.

lib. 9.

cap. 4. in  
Miscell.

H



*lib. 2. met.  
medendi  
cap. 11.*

scilicet, characteres, verba, & technas, quemadmodum fecit Augerius Ferrerius: juréne an injuria nihil hic habeo dicere, qui technarum artem solummodo non autem reliquas ab injuria, & contemptu vindicare constitui: sed quanquam omnes isti varijs se rationibus tueri, opinionésque suas defendere possint, malle nihilominus quid est istius technici, & officiosum mendacij velut quartum medicinæ instrumentum statuere, ad quod ipsa, postquam

*Manil. lib.  
4.*

*Succūbunt artes, rationis vincitur usus,*  
nihilque aduersus morborum sequitiam indicatione, analogismo, aut experientia proficit, tanquam ad sacram archoram recurrat, vulpinamque pellem affuat, ubi leonina sola potest sufficere. Non secus enim atque indicationes illud nobis insinuant quod fieri debet in morbis notis, obseruatio verò, & analogismus, quod in ignotis aut quorum causæ vel remedia nota ita statim curationis initio se offerunt omnes verò utramque sepius paginam faciunt

faciunt in triplici materia, diætetica nempe, pharmaceutica, & chirurgica rectè, conuenientérque usurpanda; ita profectò technæ medicæ tunc maxime sui necessitatem produnt, cum in tribus illis, & communibus instrumentis nihil amplius spei, atque emolumenti reliquum est, sed vel ob ægri contumaciam, vel morbi morem, ijs omnino adminiculis opus est; quæ non quidem scientia, sed prudentia ipsa possit sufficere; tuncque tantum abest, ut culpari debeat Medicus, aut in Terentianum illud incurrere,

*Iam tum erat suspicio*

Euneuchii  
act. 3. sec. 3.

*Dolo malo hæc fieri omnia,*

quin potius aliud ejusdem de ægroto, quem curandum suscepit jure, ac merito usurpare debeat,

*Æquum est fieri ut à me ludatur dolis.*  
morbus siquidem *μοιρα τὸ βίη* fatum est vitæ, & conjuratus hostis, quæ Medicus debellandum suscipit:

*Dolus autem, an virtus, quis in hoste* Virgilii  
2. Æneid.

*requirat?*

præsertim cum annuente Seneca, *S* lib. de Benef.

omnia fecit, ut sanaret, peregit Medicus  
partes suas, non secus profecto quam  
dux si omnia fecit ut vinceret: quem-  
admodum autem monet Vegetius, *o-*  
lib. 3. c. 9. *ptimi duces non aperto Marte praelium, in*  
*quo est commune periculum, sed ex occulto*  
*semper attentant, ut integris suis quantos*  
*possint hostes interimant certe, vel terreat.*

*Proem.*  
*lib. 1.*

Et eadem ratione jubet Polyenus ipsos  
in acie quiddam machinari debere, ut  
consilio finem conflictus præuenien-  
te, victoria certior illis, atque indubi-  
tata contingat; hoc verò cum aucto-  
ritate Homeri confirmat, qui dum i-  
stud, seu dolo, seu vi, ἢ δόλῳ ἢ ἐ βίῃ  
toties repetit, nihil aliud sibi vult, quàm  
occultis artibus, & stratagematis ad-  
uersus hostes esse pugnandum; tum  
vero præcipuè exemplo Vlyssis, qui ab  
ipsorum mira inuentione ita sibi in  
Odyssea applaudit, & gratulatur: Sum-  
Vlysses Laertiades, qui propter omne  
genus dolorum hominibus innotuit,  
& mea gloria ad cœlum peruenit; seu  
quemadmodum elegantius habetur  
apud Homerum,

*Eius*

Εἰμ' Ὀδυσσεὺς Λαερτιάδης, ὃς πᾶσι δό-  
λοισιν

Ἄνθρωποισι μέλω, καὶ ἐμὸν πλέθ' ἔρα-  
νὸν ἵκει.

Vnde cum morbus summus sit, & ca-  
pitalis hostis ciuitatis, isque non exter-  
nus, sed ciuilis, nec ciuilis modò, sed  
domesticus, quem omnes cuiuscum-  
que sint sexus, fortis, & ætatis naturâ  
duce refugiunt, quo non est monstrum  
immanius, non crudelior tyrannus,  
non pestis ulla tetrior, aut vitæ capi-  
talior inimicus, quis, oro obtestorque,  
molestè feret, huic & insidias strui, &  
dolos necti, & pedicas tendi, & occul-  
to, apertoque Marte cædem, ac perni-  
ciem intentari? sed aliud est præterea  
quò te vellem omnino mentem, ocu-  
lòsq; reflectere THADÆE COLICO-  
LA, & quod ipse maximi esse in hac  
dissertatione momenti penitus mihi  
persuasum habeo; etenim si Fabius in  
Oratore suo contendit non esse vitu-  
perandum mendacium, quod ad ho-  
nestatis persuasionem còducit; si Ho-  
ratius poëta certè grauissimus illud i-

dem voluptatis causa permittit,

In epist. ad  
Pisones.

*Ficta voluptatis causa sint proxima  
veris;*

Si Poëta ipsi,

Campa-  
nus.

*Fingunt quæq; volūt, putantq; palmam  
Mentiri bene gloriosorem;*

Prudent.  
hymno cō-  
tra infidel.

Si Dialectici, *Fidem minutis dissecant  
ambagibus,*

*Vt quisq; lingua est nequior;*

Vopisc. in  
Adr.

Si nemo scriptorum quantum ad historiam  
pertinet non est aliquid mentitus.

*Et quiduis Græcia mendax*

*Audet in historia;*

Cicero  
Philip. 1.

Si plerumque fit, ut ij qui boni volunt  
aliquid afferre, esingant aliquid quo se

Lucianus.

*ciant istud latius; imo verò si Alexan-  
der natum se Ioue fingebat, quia men-  
daciū illud χρῆσιμον εἰς τὸ θεῶν ἕνεκα*

Lib. 1. cap.

*& Titus Castrutius volebat apud A-  
gellium Rhetori concessum esse sententi-  
uti falsis, audacibus, subdolis, captiosis,  
modò verisimiles sint, & possint ad mouen-  
dos hominum animos qualicumque as-  
irrepere. Quæ causa tandem erit  
idem Medicis non liceat, in unius  
nitatis adeptione, & conseruatione  
qual*

quam Plutarchus blandissimum, longéque diuinum vitæ condimentum vocabat ob insignem nempe utilitatem ejus, & præstantiam, quæ certè talis est, ut reliqua mortalium bona nobilitas, eruditio, fortunæ, eam quam habent gratiam, & dignitatem ab hac una mutuari, aut certè siquam ex se obtinent, si absque sanitate sit, omnem penitus amittere videantur.

*Valeat possessor oportet,*

Horatius.

*Si comportatis rebus bene cogitat uti:*

*Sincerum est, nisi vas quodcumque infundis acescit.*

Enimverò tantum abest, ut veniam Medici deprecari debeant fraudis alicujus officiosæ, vel mendacij commissi, ut ipsi potius, officij neglecti, & malè administratæ prouinciæ accusari possint, nisi quotiescumque se offert occasio, illis ad ægrorum salutem uterentur, sicq; ex sententia Asclepiadis laudata apud Cornelium Celsum, eo-  
rum morbis citò, tutò, & jucundè profligandis incumberent: hoc verò quomodo præstare possint, per tot ingra-

Lib. 3.

tos, abominabilésque sapes & odo-  
 res medicamentorum; per tot cruce-  
 & tormēta Chirurgorum, per tot non  
 modò tenuis & demens victus, sed  
 plerumque etiam medicamentis infe-  
 cti, tædia, quæ sæpius in causa sunt, ut  
 quod damnabat Apuleius, *medentes ipsi  
 sauiore morbis existant*, nullus equidem  
 video; nisi se ex jucundæ Medicinæ  
 præceptis ægrorum votis, aut demul-  
 cendis, aut fallendis accommodent,  
 dolores, ut præcipit Galenus, quantum  
 fieri potest leniendo; medicamenta-  
 que, ut idem 4. de tuenda valetudine  
 consulit, grati & benigni saporis seli-  
 gendo; ac demum, quod innuit Hip-  
 pocrates, in ratione victus aliquid re-  
 mittendo, de suprema illa potestate  
 quam Theodoricus apud Cassiodorum  
 Comiti Archiatrorum sub hac formu-  
 la indulget, *fas est tibi nos fatigare jeju-  
 nijs, fas est contra nostrum sentire deside-  
 rium, & in locum beneficij dictare quod  
 nos ad gaudia salutis excruciet.* Vnde  
 cùm ægrorum alij illud frequenter in-  
 gemunt & querantur,

*14. meth.**6. Epid.**Lib. 6.  
cap. 9.**Setim*

*fallere egrotum?*

121

*Setinum, dominaq; niues, densiq; trietes,* Mart. ep<sup>is</sup>

*Quando ego vos medico non prohibente* gr. m. 86.  
*bibam?* lib. 6.

Officium tunc est prudentis Medici, pro vino illo toties & tam ardentem concupito granatorum succum, aut aquam acetosæ, ptisanamque quouis alio modo vinum mentientem exhibere; cum alij purgantium medicamentorum fastidia horreant, debet ipsa vel in fero diluere, quemadmodum fecit Galenus scammonium, vel in rotu- 14. Me-  
thodi. lis, aut conseruis abscondere, vel in acetarijs exhibere, aut admixtione cremoris tartari, chymica præparatione, ambrosiopœia, & alia quacumque ratione virus illud, quo se produnt, obtundere; ac si nactus fuerit aliquam Cõfidiam, quæ nobilis mulier omnem asperiores medicinam abhorrebat, Democharem imitari Medicum, qui lac caprarum ei callidè propinabat, sed quas lentisco pascebat: si deniq; Tertull. in  
scorpiaco. *quasi* scorpiaco. *sevitiam* reputent ægri *medicinam de scalpello, de cauterio, de sinapis incendio,*  
*Nec rigidos silices, solidumve in pectore* Ouid. 9.  
Metam. *ferrum,*



*Aut adamanta gerant,*

*Plinius.*

quo stantes & immoti, ut Caius Marius, varices sibi excindi patiantur, aut venas aperiri, quemadmodum Lucanus & Seneca, tum verò perfricta fronte doloris opinio minuenda est, aut imitanda saltem Medici illius sapientissimi industria, quem aiunt, *cum*

*Seneca de Ira 37.*

*Regis filiam curare deberet, non sine ferro posset, dum tumentem mammam leuiter fouet, scalpellum spongia tectum induxisset; repugnasset enim puella remedio palam admoto, eadem quia non expectauit dolorem tulit; aut si aliter morbus ferat ce-*

*lib. 2. Chirurg. tra-cta. 2. cap. 5.*

leberrimi Chirurgi Ioannis de Vigor solertia exemplo esse poterit similis alterius confingendæ; is enim dum nodum carnosum Iulij secundi contumaciorem in dies fieri, & Pontificem omne genus remediorum constantiter respuere animaduerneret, nouam quãdam medendi rationem meditatus est; pannos si quidem veteres frustillatim conscerptos unà cum panis filigine mica molliore, & arsenici sublimati in aquis rosarum, & plantaginis excepti

moment

momento, ad tertias in vase æneo decoxit, expressisque demum illis, & pulueris modo ulceri admotis, quod nullis deinceps unguentis se curaturum jurejurando receperat, breui summa cum omnium admiratione Pontificem à graui & molesto affectu liberauit. His rationibus quartam subiungit multorum error communis, ne dicam, vulgi stultitia, non ipsa quidem recens, sed quæ cordatis jam antea bilem mouit, & Plinio seniori præsertim, à quo medicina vapulat, cum ob alia, tum verò ob istud potissimum, quòd *auctoritas aliter quàm Gracè eam tractantibus, etiam apud imperitos experitèsq; lingue non est, ac minus credunt quæ ad sanitatem suam pertinent si intelligunt.* Vnde si non mentiendi, at saltem probè simulandi necessitas Medicis hac lege videtur imposita, technasque & dolos argutè conficiendi, quòd famam apud imperitos tueri possint, & arti, quam profitentur, auctoritatem conciliare. Vt propterea huic instituto valde conuenienter Medicos ad-

Lib. 29.  
cap. 11

Cap. 5. lib.  
de promi-  
sc. doctri-  
na.

monuerit Galeotus Martius, ut dum apud doctos homines verba faciunt, quos rei veritas non latet, communi ac aperto sermone utantur; dum verò apud aniculas & plebeios, quæ Latine, aut lingua vernacula dici commodè possent, obscuriori sermone Græco, vel Punico referant; tunc enim fit, ut si alteræ loco hibiscum nominari audiuerint, si mercurialis vice linozostim, si pro fumaria Capnitim, pro semperuiuo çizoon, pro agrimonia eupatorium, pro vini & aquæ mixtione crama, pro posca oxycratum, secania-bim pro syrupo acetoso, tereniabim pro manna, rauedseni pro rhabarbaro, fit inquam, ut stupeant statim ad eiusmodi verba, quæ

*Sunt ipso penetremenda sono,*  
eaque remedia velut Θεῶν χεῖρας è cælo demissa, aut saltem in eorum gratiam laboriosè à Medicis excogitata, lubentius, & majori fiducia suscipiât; tantum abest, ut, quemadmodum fe-

Metalogi-  
ci lib. I.  
cap. 5.

cit Ioannes Sarisberiensis, querelam hanc instituant, *verba proferunt inaudita, ad*

ta, ad omnia suos loquuntur aphorismos,  
& mētes humanas velut afflatas tonitruis  
ita percellunt nominibus inauditis. Ve-  
rūm ut fæx ipsa populi facillimè in  
hunc errorem impingit; ita profectò  
sapientissimi etiam homines in alium  
persæpe incurrunt, qui non minus e-  
quidem quàm lixarum, & calorum  
deliria Medicorum stratagematis in-  
digere videntur. Nescio enim quomo-  
do vitio imbecillitatis humanæ plerū-  
que contingit, ut horum nonnulli si-  
mul atque ægrotant timidi, suspicio-  
siq; euadant, nec solūm verba & ser-  
mones, sed gestus nutūsque Medico-  
rum accuratiùs obseruent, à cunctis si-  
bi metuentes, quæ sunt

*Nihilo metuenda magis, quàm* Luciet.

*Quæ pueri in tenebris pavitant, fingunt-  
que futura.*

Quamobrem prudentis est Medici o-  
mnia quæ ægris metum allatura puta-  
rit, simulatione tegere, symptomata  
grauia, crises infastas, lethalia signa,  
recidiuæ metum, aut infelicem morbi  
exitum prudenter dissimulare, istud-

que Virgilij sibi dictum putare,  
*Spem vultu simulat, premit altum cor-  
 de dolorem;*

*Aphorif.*  
 140.

ut consilio Damasceni non modò ple-  
 raque reticeat, sed cuncta etiam fin-  
 gat & polliceatur, quæ vel salutem ja-  
 centis, vel spem conualescentis, con-  
 firmare possunt, & in meliorem sta-  
 tum reducere. Complexio enim ani-  
 mi corporis affectui semper inhaeret,

*lib. 3. cap.*  
 5.

ac propterea, ut monebat Celsus, *agnos-  
 securos agere conuenit, ut si corpore, non  
 tiam animo laborent;* & Seneca dicebat  
*quod multis causa moriendi fuit, mor-*

*De breui-  
 tat. vita  
 cap. 17.*

*bum suum nosse.* Contra verò si rebelles  
 illos, aut contumaces, nec sibi vel alijs  
 obsequentes nactus sit, majora quam  
 sint, omnia fingere debet, morborum  
 que metastasim, epigeneses, & malo-  
 rum iliadem minitari, quo certæ & ex-  
 quisitæ rationi, imperatîsque auxilijs  
 facilius assuescant, si non sponte & de-  
 ctu suo, at saltem majoris mali formi-  
 dine coacti. Fieri quoq; nonnunquam  
 solet, ut Medicus in ægros quo sciam  
*ἀπεγνωσμένους*, seu, quod diceret Arno-  
 bius

bitus recusantes sanitatem pati incidat, ut  
exempli gratia,

*Quando melancholicis ratio fuscata te-  
nebris*

*Eclipsim patitur, erratque Logistica  
virtus;*

atque etiam,

*Dum phrenesis feruet, cerebri dum \* fu-  
rit in arce*

*Fellea materies, dū parturit ira caloris,*

*Verbaq; dū nulla mentis signata moneta*

*Luētibus, & varijs jaētantur plena  
querelis:*

Libri. A.  
gid. Cor-  
bolien. li.  
i. de virtu-  
tib. com-  
posit. Me-  
dic.

quos omnes nisi dolis & stratagemate  
quodam sibi proponat curandos, ut  
malorum pulpa cum infixis radicibus  
hellebori cocta, aut eodem in libo ex  
ouis in sartagine frictis abscondito,  
granisve scammonij in electuario, sero  
lactis, prunis, passulis præparatis, aut  
pane dulciario exhibitis; oleum certè  
atque operam omnem perdet, nec mi-  
nus forsan quàm æger ipse delirus re-  
putabitur.

Verum enim verò, ut in hac fraude  
medica modis omnibus, qui fidē præ-

stare possunt, asserenda nihil amplius  
 fraudis reliquum esse possit, tot jam  
 allatis rationibus, quæ per se quidem  
 solæ satis esse possent; auctoritates il-  
 lustrium Medicinæ scriptorum, & eo-  
 rundem exempla velut copias auxi-  
 liares, succenturiatosque milites, en-  
 ecce in campum explico. Et quidem  
 quantum ad auctoritates attinet, non  
 3. de Re- faciam hîc quod cæteri, qui Platonis  
 pub. mentem ad Medicos corporis detor-  
 quent, cum longè magis rationi con-  
 sentaneum sit ex ijs quæ postea apud  
 eundem subdit Socrates, & Ficini com-  
 mentario eum publicis tantum Medi-  
 cis animorum, quales sunt ciuitatum  
 Rectores, Ducésque populorum, men-  
 dacij veniam concessisse, sed ad Hippo-  
 cratem omnium in Medicina bono-  
 rum auctorem & parentem me con-  
 uerto, qui sexto de popularibus morbis  
 Section. 5. docet optimum esse in Otalgia, seu  
 part. 13. aurium dolore, agrum decipere, quam-  
 quam modum istius deceptionis pe-  
 lanam imbutam unguento calido, &  
 clàm in vola manus repositam, *Βερε*  
*λογ*

*λογια* tam obscura, & ænigmatodei explicet, ut nondum inter se consentiant Valeriola, Fuchsius, Syluaticus, & alij de recta ipsius loci interpretatione. Sed quantumuis de illa inter se digladiantur, omnes tamen cum antiquis interpretibus conueniunt, quos Galenus afferit ejus opinionis fuisse, ut decipiendi ægroti causa, ad hoc agendum accessisse Hippocratem dicant, *interdum enim de ijs rebus solatium capere egrotantes, & arbitrari diligentio rem de ipsis curam Medicos habere.* Vnde ipsemet Galenus, licet expungendam particulam illam *ἀπίστη* ex fine ipsius aphorismi censeat, commentario tamen in Hippocratis librum de officijs Medici fraudes ejusmodi majorem in modum extollit, modumque docet, quo fieri debeant in ijs, qui pus spectare non possunt, aut chirurgorum apparatus sustinere dum velut Gallantes,

*Mente fremunt, lacerant corpus, funduntque cruorem:* Tertull:

quin statim animo linquntur, *his enim dicendum erit cras nos de chirurgia esse*



*consideraturos, impraesentiarum satis esse,*  
*si locus, aut foueatur spongijs, aut aqua*  
*perluatur, atque ad emplastrum, aut me-*  
*dicamentum recipiendum preparetur: in-*  
*terim verò sectio homini ex improviso ad-*  
*hibenda est: idémque hoc à se aliquan-*  
*do factum testatur in libris methodi-*  
*in quibus historiam refert illustris cu-*  
*jusdam foeminae, quæ dum herpere*  
*circa malleolum laboraret, qui etiam*  
*serpendo ad bubones ascenderat, nec*  
*medicamenti soluentis præter serum,*  
*ullum genus admitteret, scamonium*  
*in illud clam injecit, sicque, licet inu-*  
*tam, purgavit & sanavit. Cujus postea*  
*imitatione Trallianus mulierem aliam*  
*argutè fefellit; etenim cum illa se in-*  
*ter edulia serpentem deuorasse arbi-*  
*traretur, vomitum statim emeticis co-*  
*uenientibus commouit, atque immi-*  
*sa clanculum in illud quod rejectum*  
*fuerat lacerta, ex ijs quæ propius*  
*hanc accedebant, quam læsa ægrotan-*  
*tis imaginatio referebat in corpus su-*  
*subijisse, finxit postea, maxima cum*  
*& assistentium admiratione, illam ve-*

lib. 14.

lib. 1. c. 17.

*fallere egrotum?*

131

mitu quoque fuisse redditam, & nihil propterea amplius esse, quòd illa ab ejusmodi animalculo sibi timeret. Ita etiam Philotimum Medicum non mediocriter extollit Aëtius, quòd exco- gitato & imposito supra caput melan- cholici cujusdam, qui se ἀκέφαλον esse, & capite diminutum reputabat pileo plumbeo ipsum eò tandem adduxit, ut præ continua molestia, quam ex e- jus duritie, & nimio pondere persen- tiebat, caput se recuperasse fateretur. Quam curandi methodum licèt falla- cem, & subdolam Damascenus postea *Aphor. 14.* confirmavit, horum præsertim, & Cor- nelij etiam Celsi ductus exemplo; ut *lib. 3. c. 5.* nulla jam de antiquorum Medicorum in hac quæstione sententia possit esse difficultas, quemadmodum certè nec de eorum, qui à Damasceni tempore floruerunt, postquam Bernardus Gor- donius, & Gabriel Zerbus Medici am- bo clarissimi, & reliquorum suæ tem- pestatis facilè principes, diuersos tra- ctatus ediderunt, de cautelis quibus- dam, & Medicinæ fraudibus, quæ non

secus illius artem professis familiares esse debent, quàm fortissimis ducibus stratagemata; aut simulationes, & mendacia Jurisconsultis, ut à reo vel actore veritatem rei apud ipsos dubia extorqueant; quandoquidem non ad eo inter se distant Juris Medicinæve periti, quin multa habeant inter se communia,

Struth.lib.  
s. artis  
Sphygm.

*Index est Medicus, reus est agrotus, Amici*

*Actores, adsunt plures ex ordine testes, Morbus, causa, locus, symptoma, immutata facultas,*

*Consimiles ægri, mos, motio, pharmaca, gestus.*

Sed quò nihil omnino fictæ istius & dolosæ curationis nomine Medicis imputari posset, satis jam cautum est à Plinio, Petrarcha, Baptista Mantuanò, Petro Aponensi, aliisque ob corporis imbalnitiam, morumque rusticitatem lacesitis; nonnulli ex ipsis haud inter se orgijs mendaciorum confederati, quod de Origenistis pronuntiabat D. Hieronymus, sed quibus egre

egregium semper visum est

*Nil conscire sibi, nulla pallescere culpa,*  
rem omnem ad æquitatis carceres re-  
ducere, & numquid in Medicina fa-  
cienda dolis ejusmodi incumbere lici-  
tum foret, præclaris hac de re quæstio-  
nibus institutis explicare voluerunt, ut  
Frâciscus Valeriola in enarrationibus,  
Rodericus à Castro in Medico Poli-  
tico, & Cortesius in Miscellaneis; qui  
quidẽ omnes unà cum Syluatico, Au-  
gerio, Ferrerio, Mercuriali, Foresto,  
Brudo Lusitano, Epifanio Ferdinan-  
do, Massaria Sennerto, & quid attinet  
reliquos numerare, qui propemodum  
infiniti sunt? omnes, inquam, isti cen-  
sent, cùm ex D. August. *quantum in Me-*  
*dico sit, veniat sanare ægrotum,* & quod,  
inquit Antiphonis filia apud Plautum,  
ad illos etiam pertineat, *semper nostrum*  
*officium nos facere æquum est,* omnia ex  
usu esse, quæ sanitatem in ægris præ-  
sentem conseruant, nutantem firmât,  
deperditam restituunt; ac propterea  
quemadmodum non respuunt fæces,  
non abijciunt foetida, non abhorrent

Tract. 12.  
in Ioan.

venena, sic nihil omnino rationis esse propter quod damnent potius technas, fraudes & mendacia; cum præfertim non minus quam illa ægrorum salutem conferant, & ex fine atque intentione, quibus actiones in moralibus æstimantur, non possint non censerī valdè salutaria, & maximè convenientia Medicinæ præsidia, quæ propterea nec Theologorum sanctiss. doctissimisque displicere, non equidem

Lib. de Sacerd.

D. Chrysof. qui talem fraudem non fraudem nominandam esse concludit, sed potius οἰκονομίαν quandam, sapientiam, & artem, qua possis è medijs rerum desperatarum angustijs euadere; non Pererio al-

c. 27. in Gen. disp. 3. §. 26.

ferenti, quod non raro prudentes Medici graviter agrotantibus, salubresque curationes recusantibus utili simulatione deceptis, quæ volunt præbent medicamenta, & sanitatem restituunt; non denique Molano obscurum illorum iudicium danti, qui insidias militares, Medicorum & Iudicum dissimulationes, à mendacis discernere nequeunt. Ex quibus cum luce meridiana clarius appareat, non

tantum

rantummodò licitum esse

*Mentiri Astrologis, Pictoribus atque  
Poëtis;*

quod vulgari fertur adagio, sed Medi-  
cis insuper; licèt istud faciendi licen-  
tiam, non ut Autolicus à Mercurio,  
sed ab omni sapientum & optimorum  
potiori consilio acceperint. Reliquum  
nunc est, ut priusquam eorum obje-  
ctiones diluamus, qui contrarium cen-  
sent, aliud insuper exemplis confirme-  
mus, quod tot rationum & authorita-  
tum momentis firmissimè videtur esse  
stabilitum: atque præter cætera quæ  
jam attulimus, & illa quæ leguntur a-  
pud Marcellum Donatum, hoc unum lib. 2. de  
med. hist.  
mirab. c. 1.  
in primis illustre mihi videtur, quod  
de quodâ melancholico referunt non-  
nulli, qui septem se in capite passercu-  
los velut in cauea inclusos gestare cõ-  
tinuò arbitrabatur; accersitus siqui-  
dem ad ipsum vaser quidam, & pru-  
dens Medicus, cum vitium imagina-  
tionis læsæ primo statim obtutu de-  
præhendisset: Euge, inquit, vir bone,  
qui me talibus morbis assuetum per-

tractandis & curandis, bona tua forte  
vocaues. Etsi enim me non Mene-  
cratem esse profitear, qui a *Savaria*,  
seu *mauis*, infenscentiam hominibus  
promittebat, non *Asclepiadem*, aut  
talem, qui fractum *crus* possim obliga-  
re, *Vulcano*, *Martisq;* vulneribus me-  
dicinam facere; istud tamen sanctè, &  
absque ullius adulationis suspitione  
dejerare possum, neminem hodie Me-  
dicorum esse cui sapius, aut foelicus  
similes affectus obtigerint percuran-  
di; nam dum juvenis adhuc & novi-  
tius *Compluti* Medicinæ sacris initia-  
ret, obtulit se mihi *Hispanus* quidam  
sæuissimo capitis dolore eousque de-  
sperationis adductus, ut sibi violentas  
manus inferre tentaret; sed cùm ab  
amicis rescivissem illum frequenter,  
dum sanus esset, ocymum jucundi o-  
doris causa olfecisse, cõjeci statim, ex-  
perientia *Hollerij* ductus, scorpiones  
inde in ejus cerebro enatos, quos qui-  
aliter non possem, prægrandi folle na-  
ribus ejus indito, & violentia quanta  
fieri potuit maxima deducto, unà cura

offi

offis Ethmoidis portiuncula attraxi.  
Postea verò cùm Ægyptum peragra-  
rem, quindecim hircines unico im-  
puræ & lutulentæ aquæ haustu in bu-  
bulci cujusdam ventriculum illapsas,  
solo vomitu ex muria propinato de-  
puli. Ranas etiam, girinos, bufones, &  
nonnunquam crocodilos non aliter  
certè quàm vermes medicamētis con-  
venientibus eduxi: ut nihil hic atti-  
deat de serpentibus loqui, nihil de tæ-  
nia, licèt supra triginta cubitos lōgam  
semel auxilio meo redditam viderim.  
Sed audi, quid nudiustertius cōsiliij ce-  
perim in illo Trapezita tuo vicino, qui  
sibi caput omne curculionibus hinc  
inde perreptātibus oppletum esse non  
falsò persuaserat, frumentum ex aristis  
recenter decussum in prunas conjeci,  
fumumque ut per infundibulum in  
nares reciperet, imperavi, quod post-  
quam per horæ quadrantem facere su-  
stinuit, tandem legio integra curculio-  
num arcem capitis, quam prius obfi-  
debat, deseruit, quoad ustulati frumē-  
ti gratum nidorem reliquiâsq; se con-



ferret, ut jure Virgilianum istud usurpari potuerit,

*It nigrum campis agmen.*

His igitur experientijs confirmatus, quid nunc tua de causa mihi faciendum sit, satis superque intelligo; & quidem licet de passerulis tecum non conueniam, quos sub ingressum domus tuæ cum aded suauiter & delicatè fringulientes, minurientésque perceperim, cardueles, aut luscinias esse verius existimo; tamen qualescumque sint illæ auiculæ, spero me potentiori quodam pharmaco crastina die illas educturum, modò te mihi obsequentem prebeas, & ad omnia, quæ iussero, promptum facilémque exequenda. Sequenti igitur die pulueribus nigellæ, pyrethri, euphorbij, hellebori, similibusque sternutatorijs instructus, redit ad ægrotum confidentia, quàm illi tam audaci pollicitatione fecerat penè jam sanatum, caput fasciâ nonnihil etiam in oculos dependente fortiter stringit, pulueres in nares exsufflat, concitatâque crebra & vehementi sternutatione,

tatione, auiculas quasdam quâ deplumes, quâ viuas, quâ semitrucas & mortuas ex manica supra lectum proijcit, mox verò ægrotū bono animo sit hortatur, jubetque num passerculos, aut cardueles potius in capite habuerit visu dijudicet, quod ipse statim fecit amoto sipario, seque optimi istius viri consilio, ab immani cruciatu tam facile liberatum fuisse multum gauisus est, & in posterum rectè valuit. Hæmorrhagiam autem ex naribus adeò rebellem & contumacem, ut nullis amplius remedijs locum esse communis foret opinio, contrario planè modo sanauit Cardanus; nam ad ægrum vocatus, non quemadmodum alij Medici, reuulsionem imperauit per venæ sectionem, cucurbitulas, frictiones, ligaturas, multoque minus laudauit medicamenta refrigerantia, astringentia, glutinantia, caustica, vel quæ à Medicorum vulgo *ἰχθυα* dicuntur. Sed historiam totius morbi blandè primum sciscitatus & curiosè frontem statim contraxit, & ad matrem conuersus

ipsam hunc in modum alloquutus est:  
 Quid in te, oro, obtestorque, commisi,  
 Domina, quamobrem me potius ad  
 mortuum, quàm ad ægrotum vocares,  
 filium hunc tuum ad infitas redactum  
 vides, & adhuc de Medico potior est  
 tibi cura, quàm de Sacerdote? num igitur  
 me talem habes, qui mortuos  
 possim ad vitam reuocare? Profectò  
 miror, quòd tua abierit antiqua solertia:  
 cernis supra viginti libras sanguinis  
 in hoc tridui spatio, quo primum  
 symptoma istud tam dirum & lethale  
 incepit, fuisse rejectas, cùm nihilo minus  
 Auicenna septemdecim tantum  
 citra mortis periculum euacuari posse  
 contendat: cernis etiam animi deliquia,  
 perfrigerationem extremorum,  
 sudores exiguos sensim gliscentes, faciem  
 omnino decolorem, & dubitas  
 adhuc num de iuvene isto conclamatum  
 sit? scias igitur nihil eum amplius  
 opus habere auxilio meo, sed ne quidem  
 illius dei

*Reduces qui tradere vitas*

*Noscit, & in cælum manes reuocare sepultos,*

*Quis*

*fallere aegrotum?*

141

*Qui colit Aegaeas, qui Pergama, qui que  
Epidaurum.*

& si me audis, Sacerdotem quanto-  
cyus accersiri jube, qui hunc sacro via-  
tico, & supremis unctionibus muniat  
è vita proximè discessurum; aut enim  
scientia Medicinæ nulla est, & mea  
me fallit quinquaginta annorum ex-  
perientia, aut ante vesperam fatis con-  
cedet, & vera atque meliore vita per-  
fructur. Hac enim sententia ab eo, qui  
totius ciuitatis oraculum habebatur,  
tam seuerè audactérque pronunciata,  
mater, quæ nihil quidquam de strata-  
gemate rescuerat, domum statim uni-  
uersam luctibus compleuit; æger verò  
primùm quidem

*Palluit, ut nudis pressit qui calcibus an-  
guem.*

mox cum se tam breui moriturum cre-  
deret, timorem inde talem concepit,  
ut calore cum sanguine & spiritu con-  
fertim ad præcordia recurrente, totum  
corpus frigidum remanserit, & san-  
guis, qui per venarum siphunculos in  
ejus habitum diffundebatur, ad ulte-

riorem motum ineptus hæserit. Quod antea quidem ab alijs Medicis frustra medicamentorum ope fuerat tentatum. Sed narrant præterea doctissimum Hollerium melancholicum, qui se vastissimæ magnitudinis nasum habere querebatur, &

*Quantum noluerit ferre rogatus Atlas,*  
hac arte liberum ab inani illa persuasione fecisse; asseruit siquidem nasum ejus longè majorem esse quàm sibi videretur, sed tamen remedio locum fore, si ad officinam periti cujusdã Chirurgi, & in hac præsertim operatione, qua nasi longiores decurtantur, veratissimi se conferre vellet; quod postquam æger annuit, præmissis statim qui Chirurgum de Hollerij mente admonerent, & alijs etiam qui transeuntis nasum partim mirarentur, partim irriderent, ad ædes Chirurgi unà tandem deueniūt, ubi seruos obuiam habent, valuas fenestrasque recludentes & omnia impedimenta amolientes, quæ nasus ille potuisset impingere. Tum verò oculis ægri velatis operi accingit

Chirurgus, abscinditque extremam  
nasi cuticulam, & ostenso postea quem  
in istud negotij parauerat, tanquam è  
recenti vulnere amaxabone sanguino-  
lento, partem nasi rescissam esse per-  
suasit, sicq; maxima cum Hollerij exi-  
stimatione æger ille conualuit, & ad  
meliolem de naso suo opinionem cõ-  
uersus est. Verùm quid opus est aliun-  
de exempla petere, quàm ex commu-  
ni Chirurgorum industria, qui se venę  
sectioni imperatę accingentes ægro-  
rum quorundam muliebrem animum  
quasi nondum parati aut aliud agen-  
tes, tamdiu fallunt & detinent secu-  
rum, donec incisa subtiliter & ex im-  
prouiso vena,

*Cruor emicat altè*

*Non aliter, quàm cum vitiato fistula  
plumbo*

*Sciinditur, & tenui stridente foramine,  
longas*

*Ejaculatur aquas, atque ictibus aëra  
rumpit.*

aut ex eo tandè, quod in usu receptum  
habet nobilissimus eques, & doctissi-

mus Antenoræi Lycæi professor anatomicus Ioannes Wellingius, qui cauterium illud actuale, quod nemo etiam fortissimus non reformidat, ope paxidis cuiusdam ex ligno tornatili affabrè elegantérque paratæ, ex qua ferrum candens, velut ex insidijs prorumpit, tam cautè, subtilitérque parti inurendæ admouet, ut maxima ægrorum voluptate operationem hanc satis per se difficilem & molestam absque ullo fermè doloris sensu absoluat. Sed video tãdem quid in re tenui nimis circumscripti homines, & in aperto veritatis sole malitia, nescio an imbecillitate cæcutientes aduersus tot exemplationésque moliantur, mendacium, inquit ex Aristotele, improbum est, ac vituperatione dignum, & ex primo elenchorum, *Sapientis est non mentiri, de quibus nouit.* Vnde Pythagoras hæc præclara homines à Dijs accepisse fatebatur, vera nempe dicere & beneficia in alios conferre; quæ duo si in aliquo, maximè in illo reperiri debent, qui non modò peritia mendand

dendi, sed morum integritate & vitæ honestate sibi imitandum proponere debet Hippocratem, quem Aristoteles & Galenus veritatis obseruantissimum vocant, & Macrobius talé fuisse contendit, ut nunquam falli aut fallere potuerit, non secus profectò, ac Atticum narrant mendacium, nec dicere solitum, nec pati potuisse. hoc verò tantò diligentius Medici præstare tenentur, quòd remedia, quæ præ manibus habent, si ab improbis usurpentur, venenis ipsis nocentiora euadunt, unde si quidquam in ipsorum administratione dolo vel malitia peccant, si fallant ægrotos, aut confictis mendacijs auctoritatem arti suæ quærant, quemadmodum malus ille sutor apud Phœdrum, qui cum inopia deperditus

*De somnio Scipionis cap. 4.*

*Medicinam ignoto facere cœpisset loco, Lib. I. fab. 14.*  
*Et venditaret falso antidotum nomine.*  
*Verboſis acquiſiuit ſibi famam ſtrophis.*  
 Cortè quantum à recto æquitatis tramite aberrans, vel ex eo facile conijcere poſſunt, quòd D. Auguſtinus ne



quidem istud cum euidenti alterius  
commodo facere permittat : nam quo-

Lib. de  
verbis A-  
post.

ties, inquit, aliquis utilitatis proximi cau-  
sa mentitur, si non erat peccator antequam  
mentiretur, mentiendo efficitur id quod

vitatur : imò verò tractationem hanc  
de mēdacio idem alibi ad medicinam

Lib. con-  
tra mēdac.  
cap. 18.

referens : Si concesserimus, inquit, pro  
salute alicuius ægri, de vita filij eius suij  
mentiendum. ita paulatim, minutatimque

crescet hoc malum, & breuibus accessibus  
ad tantum aceruum mendaciorum scelerum

torum sensim subintrando perducetur, &  
numquam possit penitus inueniri ubi ratio  
ta pesti per minima additamenta in in-

mensum conualescenti possit obsisti. Scilicet  
enim auctoritates ipsas validissima  
tione confirmant : siquidem, quod se-

cundum se & ex genere malum est, in  
nullo modo bonum fieri potest : quod se-

Mal. dicitur

do quidem bonum, ut loquitur The-  
logi, non constituitur nisi omnino  
perfectione ; malum verò ex singulis  
defectibus confurgat : mendacium

tem malum est per se, & ex genere,  
actus videlicet inordinatus, cum Deo  
&

& natura voces homini dederint, ut essent signa eorum, quæ in mente habet, unde etiam sequitur nulla ipsum additione, vel restrictione legitimum reddi posse; maximè cum antiquissima lege sancitum sit, mala non esse perpetranda, ut ex ipsa, velut radice venenata boni alicujus fructus salubres in nostram aut alterius utilitatem efflorescant. Verùm optimè tandem sentio quid istis seuerioribus Aristarchis bilem in nasum conciuerit, verba nempe legis explorant, non legislatoris animum, & quæ sunt æquiuoca, semper in deteriori significatione accipiunt; contra profectò quàm facere deberent, si rationem sequi, aut Sariberiensem imitari vellent, qui de Medicis ita aggreditur ad dicendum in Polycratico, *absit de his quidquam peruersum loquar, in manus enim eorum exigentibus peccatis meis frequenter incido, non sunt exasperandi verbis, sed potius demulcendi obsequio.* Dolus igitur quod nescio an ipsi rectè animaduenterint, nonsemper malus est, sed aliquando

*D. Paul.  
ad Rom.  
v.8.*

*cap.9.*

etiam sumitur pro solertia quadam, seu cautione & prudentia, qua vel aduersus hostem vel latronem, vel etiam ægrum optimis Medicorum consilijs reluctantem utimur; unde cum Vipianus, Labeo, Tullius dolum machinationem esse dicunt ad alterum decipiendum adhibitam, non satis habuere dolum simpliciter dicere, sed malum addiderunt, quem propterea idem Cicero cum fraude & calumnia

*pro domo.* conjungit, *ne qua calumnia, ne qua fraus, ne quis dolus adhibeatur.* Et eodem sensu D. Thomas ostendit fallere intelligi posse dupliciter, nimirum significando absolutè falsitatem, quod plerumque faciunt Agyrtæ, Cinifiones, Magomedicæstri, circumforanei nebulones, & scœcundum illud in fraudes hominum genus; aut simpliciter occultando veritatem, quod optimis Medicis ob ægrorum commoda videtur legitime concessum; *istud enim*, inquit optimus Cicero, *ne homines quidem prohi faciunt, ut amicis impendentes calamitates predicant, quas illi nullo modo effugere possint.* Verum

*a. de diuina.*

Verum quoniam de mendacio longè  
 omnium grauior solet esse difficultas,  
 aduertendum in primis huius, quod di-  
 citur esse falsa vocis significatio, cum  
 intentione fallendi, octo differentias à  
 D. Thoma constitui, quarum priores  
 quatuor pertinent ad mēdacium per-  
 niciosum, quinta ad jocosum, reliquæ  
 verò tres ultimæ, ad officiosum, *in quo*  
*intenditur quod est alteri utile*: ac pro-  
 pterea cum Medicorū technæ & stra-  
 tagemata, nec ad dolum malum refer-  
 ri possint, nec ad mēdacium pernicio-  
 sum, sed ad officiosum potius spectent,  
 quod nihil aliud pro fine intēdit quàm  
 malorum tyrannide oppressos conue-  
 niētibus remedijs subleuare: equidem  
 non video quid tandem rei sit, cur ab  
 istis Catonibus & Stertinijs cane pe-  
 jus & angue censeatur esse declinan-  
 dum: neque enim profectò ita visum  
 Origeni, dum sententiam Platonis ap-  
 probat ex 3. de Republica, ubi asserit,  
*Deo quidem indecens & inutile esse men-  
 dacium, hominibus verò quandoque utile  
 & necessarium, ut eo, tāquam medicamen-*

22. q. 107.  
art. p̄.

*collat. 17. c. 8.* *to, utantur, nō Abbati Iosepho persuadenti apud Cassianum, mendacio utendum tanquam helleboro, quod sumitur in extrema rerum cōsternatione; non Pererio, qui commentarijs suis in Genesim fatetur, sententiam esse perueeterem & celebrem, licere sine peccato mētiri: nec*  
*in c. 27. disc. c. 2.* *deniq; Marco Marullo Spalatensi, qui ob Reipublicæ bonum, vel majorem Dei gloriam, mentiri fore summæ pietatis, ingēsi- que prudentiæ contendit. Ut propterea nō perperam Lessius existimet D. Augustinum sibi minus in libris de mēdacio satisfecisse, quòd ἀπλῶς, & nulla adhibita distinctione misericors etiam & officiosum condēnarit; cōtra quàm reliquorum Patrū auctoritatibus probari potest, & infinitis etiam exemplis eorum, quæ in sacris codicibus narrantur, confirmari: ut nihil amplius difficultatis supersit, nisi ab Aristotele & Pythagorâ, quos tamen respōdere possum de eo tantum mendacio intelligendos esse, quod absque summa & evidenti utilitate profertur, aut etiam cum alterius noxâ: & adjuncta ratio optimè*

optimè concludit, mēdacium quidem  
semper esse malum, non tamen in casu  
necessitatis deceptionem officiosam,  
quæ nullius damno in multorum utili-  
tatem cedere potest, postponendam  
esse nociuo pudori; *neque enim*, inquit  
Cicero, *de pactione verborum quibus jus* <sup>pro Re-</sup>  
*jurandum*, aut mendacium, *comprehen-* <sup>scio.</sup>  
*ditur, sed de perfidia, atque malitia, per*  
*quam insidia tenduntur alicui, Dū immor-*  
*tales irasci ac succensere consueverunt.*  
Quæ profectò cum ita sint, huic certè  
necessum est

*Claudicet ingenium, deliret linguaque*  
*mēnsque,*

qui technicæ istius prudentiæ, aut po-  
tius artificiosæ indicationis artem, li-  
cèt velut aurum Bruti officiosæ fraudis  
sambuco obtectam vellet iterum ex  
Medicinæ fundo diuellere; & si quis  
hoc in posterum attentare audeat, Te-  
rentianum istud sibi dictum putet: *in Andr.*

*Si illum objurges vite qui auxiliū tulit,*  
*Quid facias illi, qui dederit damnum,*  
*aut malum?*



Clarissimo, & Eruditissimo  
Viro,

IOAN. BEVEROVICIO,  
DOCTORI MEDICO  
Patauino,

GABRIEL NAVDÆVS S. P. D.

**R**ENTADIS mea *Quæstionum*  
*Patrophilologicarum ad opta-*  
*tum finem perducenda nulla*  
*mihî occasio poterat esse hone-*  
*stior, aut quæ magis sollicitaret officium er-*  
*ga te meum, Beuerouici πολυμαθῆσαν,*  
*quàm ab ultimis literis, quas Slingelandus*  
*noster, homo, quod tu quidem probè nosti,*  
*totus ad humanitatis rationem compositus,*  
*planèque τελεειωνος, & mirificus studio-*  
*rum hominum inter se conciliator, mihî*  
*priusquam in urbem venire, tuo nomine*  
*reddem*

reddendas curavit. Etenim licet omnes a-  
lia, quas ad me frequentes dare consuevi-  
sti, plenissima sint amoris illius, quo me vel  
immerentem prosequi, atque ornare soles,  
nescio tamen quomodo postrema sic animū  
pupugere meum, ut amantem te non ama-  
re, & illustri testificatione declarantem,  
qualis, & quā maxima tua sit in me vo-  
luntas, non aliquo signo prosequi, quod pa-  
rem esse meā erga te propensionem declaret,  
tuoque muneri eximio ἀνίδωρον esse pos-  
sit, hominis id factū esse ne dum ἀπαιδός  
τῶν, ἢ ἀγροίω, inculti, scilicet, & habi-  
tantis rure, ubi tantū in pretio sint

—Corbes

Perf. Sa-  
tyr. 1.

Et focus, & porci, & fumosa Palilia  
fœno.

sed prorsus ἀπαιδός τῶν, & ingrati inhu-  
manique existimem. Cogitanti verò quo  
potissimum officij genere animum hunc  
meum tibi probarem, nullum certè mihi,  
aut magis opportunum, aut mirus ambi-  
tiosè questum visum est, quàm si ex facto  
tuo, & gravissimi Philosophi cōsilio, nem-  
pe ut gratus sim, velle debeo idem fa-  
cere, quod ille, ut Beneficium daret,

Senec. lib.  
6. de be-  
nef. cap. 9.



velle debuit, tibi quaestionem hanc offerrem, earum annotationum loco, quas tu, cum primum in lucem pro Appendice ad elegantissimum librum tuum de Calculo prodirent, sub nomine meo apparere voluisti: non quod illud nulla esse apud homines auctoritate nescires: verum ut aliquam potius illi conciliares, indicio, quod de me tam praeclearum tulisti, & quo deinceps ceteri in literatorum Republica maxime velim, & cupiam. Caterum eò lubentius animum appuli ad Quaestionem hanc de Vita hominum termino, pro facultate ingenij mei, quod tamen sentio, quam in me sit exiguum, discutiendam, quia tu, Beuerouici humanissime, mihi istud, ut facerem, auctor esse voluisti, dum in postremis tuis significas, optare te, Epistolicarum Quaestionum de Vita termino tertiae editioni ornatum aliquem ab nomine Clarissimi Liceti simul & meo accedere. Absque hoc enim fuisset, ego, cui sapissime in mentem venit commonefactionis illius Persiana,

Satyr. 4.

Respue quod non es, tollat sua munera cerdo:

Tecum

Tecum habita, & noris, quàm sit  
tibi curta supellex.

tenui alio lemmate, meisque viribus magis conuenienti, tutius consuluissem honori meo, & utique obseruantia, quam tibi debeo, fecissem satis: Sed tu pro amore tuo mecum agere voluisti, dũ me ex gradibus infimis in orchestram vocas: & ipse nisi sequar quò me ducis, indignus profecto sim, quem in amicorum numero habeas, detrectantem scilicet negotium illud in me recipere, quod siue tua de causa, qui jubes, siue mea, qui parere modis omnibus tibi debeo, non possum cupidissimè non amplecti. Hoc igitur dum facio, tuum erit, Beuero-uici, curare, ne fraudi mihi sit apud tot Proceres literarios, qui jam antè compulsis tuis epistolis, de fatali vitæ termino responderunt, obsequium erga te meum, si post messem illam, quam fecerint rerũ pulcherrimarum, qua de hac dubitatione proferrì à doctissimis hominibus in medium poterant, vix mihi spicilegiũ aliquod relictum est, testanda non tam eruditioni, quàm diligentia, & fidei in amicos mea. Sed non minus consulere debes aequi bonique, quod,

multis occupationibus impeditus, quæ meditationi tam molesta sunt, & aduersa, ut nihil supra, sustinui, tam diu me in ære tuo esse, quamquam animo semper illius dissoluendi, statim atque se cõmoda aliqua præberet occasio. nosti siquidem illud Chryssipi apud Senecam, qui gratus futurus est, *De benef.* illum velut ad certamen cursus compositum, & carceribus inclusum, operiri debere suum tempus, ad quod velut dato signo profiliat: quemadmodum ego nunc facio, tam promptum & bonum nomen, quàm tibi forsan tardum videbor: nisi pro tua singulari beneuolentia reputes, mihi post meum discessum ex amœnissima Valle Reatina, quæ mirum quàm otio liberali, meisque Musis amica sit, nullum aliud tempus ab Aulicis interpellationibus liberum fuisse, quo tecum liberè, & ex animo esse possem. Vale.

Dabam Romæ, pridie Non. Septemb. M. DC. XXXIIX.

QVÆ